

EHU-KO ERREKTORE BERRIAREN HAUTAKETA

# Errelelebuko ordua

**Pello Salabururen gestioaren balantzeari, EHUren etorkizuneko erronkei eta errektoregaiei buruzko iritzia eskatu die EUSKALDUNON EGUNKARIAK unibertsitateko hainbat talderi**

Iñigo Olabarri • Bilbo

EUSKAL Herriko Unibertsitateko klaustroak gaur ekingo dio errektore berria aukeratzeko prozesuari. Mari Karmen Gallastegi, Juan Ignacio Perez eta Manu Montero dira errektoregaiak. EGUNKARIAK Euskal Herriko Unibertsitateko zenbait sindikatu eta ikasle elkarterekin hitz egin du errektore berriaren hautaketaren gainean izan dezaketen iritzia aztertzeko.

## LAB

**1.-** Salabururen agintaldian hutsune handiak eta garrantzitsuak ikusi ditugu: *Bai euskarari!* akordioan EHU ez egotea bat; irakasle kontratatuen egoera da beste bat. Duela bost urte onartutako irakasleen gaineko oinarriak ez ditu aurrera eraman. Egonkortasuna hitzez onartuta dago, baina praktikan desitxuratuta geratu da. Osa garri indibidualen kasuan, hori bultzatu nahi izan du errektorearen taldeak.

Euskararen normalkuntzarako bigarren plangintza ere ez da nahikoa. Landuagoa izan zitekeen eta azkarrago abian jarri. Hala ere, zerbait da.

**2.-** Madrilgo Unibertsitate Antolamendurako Legea oso desegokia da. Gure unibertsitateak eskuduntza guztiak izan behar ditu, eta horrek esan nahi du Unibertsitate Antolamendurako Legea gainditu behar dugula; esparru berria behar du unibertsitateak.

Horren barruan, irakasle propioak beharko genituzke eta euskal lerroak indartu beharko lirakeke. Indartu diogunean, ikasketak euskaraz hasi eta amaitzeko bermea izatea esan nahi dugu. Barruti irekiaren aurrean, berriz, harremanak estutzea proposatzen dugu Nafarroako unibertsitateekin eta Iparraldean daudenekin.

Horiez gain, ikerketan ere eskuduntza osoak jaso beharko lirakeke; unibertsitate publiko honen pribatizazioa geratu beharko luke errektore berriak; eta unibertsitateak hutsune batzuk betetzeko

MIKEL MARTINEZ

**1.** Nola baloratzen duzue Pello Salaburuk unibertsitatean egin duen lana?

**2.** Zeintzuek behar dute errektore berriaren erronka nagusiak?

**3.** Nor da zuen ustez datorren agintaldirako errektore egokiena?